



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

Komunikadu Imprensa

Tribunál Distritál Dili

Periódú 14 Dezembru 2015

Kestaun imunidade impende julgamentu ba arguida Sekretaria Estadu Arte Kultura

Iha 23 Novembru 2015, Tribunál Distrital Dili la-konsege realiza julgamentu ba arguida Sekretaria Estadu Arte Kultura Isabel Ximenes, tanba Parlamentu Nasionál seidak hasai rezolusaun atu suspende nia imunidade.

Isabel Ximenes akuza ho komete krime tolu mak hanesan; administrasaun negligente tuir artigu 275, krime pekulatu iha artigu 295 no krime abuzu poder iha artigu 297 Kódigu Penál.

Julgamentu ne'e lolos hahu iha 23 Novembru 2015, maibe Tribunál Distrital Dili deklara adia kazu ne'e tanba arguida la marka prezensa, no atualmente arguida asumi hela knaar nu'udar Sekretariu Estadu Arte Kultura, tanba ne'e Parlamentu Nasionál presiza hasai arguida nia imunidade.

Tuir artigu 113 alinea 1 husi Konstitusaun RDTL, defini katak membru governu tenki hetan suspensaun bainhira nia simu akuzasaun ba krime ida ho pena másimu ne'ebé aas liu tinan 2 iha prizaun. Iha kazu ne'e tanba sentensa másimu ne'ebé aas liu tinan 2 iha prizaun, tuir loloos arguida ninia imunidade automatikamente suspendidu no tribunál la presiza hein ba Parlamentu Nasionál atu hasai arguida nia imunidade.

“JSMP husu ba tribunál atu rekoñese katak imunidade ne'e automatikamente lakon, tuir Artigu 113 husi Konstitusaun. Iha kazu sira ne'ebé envolve alegasaun sériu husi membru governu, tuir loloos imunidade ne'e la sai impedimentu atu halo julgamentu no obriga membru ne'e atu resposta ba akuzasaun ho lalais,” dehan Diretór Ezekutivu JSMP, Luis de Oliveira Sampaio.

Wainhira membru governu ida komete krime ida ho pena maximu tinan 2 ka menus hosi ida ne'e, tuir Artigu 113 (2) Konstituisaun, Parlamentu Nasionál iha poder diskrisionáriu (*keleluasaan*) atu decide se hasai ka la hasai akuzadu ruma ninia imunidade. Mesmu nune'e, tuir fraze hosi artigu 113 (1) Konstituisaun hatudu klaru katak poder diskrisionáriu ne'e la eziste ka la aplika wainhira membru governu ne'e akuza ba krime ne'ebé nia pena abstratu aas liu tinan 2.

Iha kazu sira hanesan ne'e, membru governu ne'e ninia imunidade automatikamente suspende imediata tanba sira hetan akuzasaun ba krime seriu no la rekere rezolusaun ka plenariu ruma hosi parlamentu.

Relasiona ho krimé ne'ebé arguida Isabel Ximenes komete, kada krime nia moldura penal diferente hosi ida ba sira seluk. Ba krime administrasaun negligente nia pena maximu tinan 1, krime pekulatu tinan 10 no krime abuzu poder tinan 4. Krime rua ikus ne'e ho sentensa maximu liuhosi tinan 2, signifika arguida ninia imunidade automatikamente hasai kedas.

JSMP husu ba Tribunál Distritál Dili atu hahu julgamentu ba kazu ne'e sein adiantu ne'ebé la nesesariu. Arguida tenki hatán ba akuzasaun hasoru nia iha Tribunál Distritál Dili. Kestaunhirak ne'e relevante ho prinsípiu fundamentál sira kona-ba estadu de direitu. Ne'e signifika katak ema hotu-hotu, inklui Estadu no ninia elementu sira, responsavel tuir lei, no ezije tratamentu igualno julgamentu ne'ebé independentemente hanesan baze ba justisa, dame no demokrasia.

Atu hetan informasaun liutan bele kontaktu:

Atu hetan informasaun kle'an favor kontaktu direktamente:

Luis de Oliveira Sampaio

Executive Director of JSMP

E-mail: luis@jsmp.minihub.org

Landline: 3323883 | 77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPTl

=====

This article was sent to you by the Judicial System Monitoring Programme (JSMP). Through the provision of independent legal analysis, court monitoring and community outreach activities JSMP aims to contribute to and evaluate the ongoing process of building a strong and sustainable justice system in Timor Leste. Visit our website at <http://www.jsmp.tl>

JSMP does not guarantee the content or endorse the views contained in articles distributed the list other than in respect of those publications prepared by JSMP itself.

To subscribe send a blank email to:

list-subscribe@jsmp.minihub.org (Daily News and JSMP Publications)

jsmpreports-subscribe@jsmp.minihub.org (JSMP Reports)

justiceupdate-subscribe@jsmp.minihub.org (JSMP Justice Updates)

media-subscribe@jsmp.minihub.org (JSMP Press Releases)

